

PER LA PRIMIÈIRA TAULEJADA DE LA SOCIETAT
« La Cabreta del Naut-Roergue »
a Espaliu, aqeste 8 de novembre de 1959

Vòle saludar aici totes los cabretaires
E cossí pas totes los musicaires
De nòstre car país que nos gardetz plan vius
Los bons èrts d'un còp èra ambe las tradicions !

Sèm fièrs de veire al cur de nòstre Naut-Roergue
Que malgrat los « zazós » dont l'esprit es reguèrgue
A tot çò qu'es d'un art tròp seriós e polit
Nos trobèm acampats d'un bonur tresfolit...

Per mantener que mai la joiala cabreta :
Quora plora un regret, quora nos fa riseta.
Mès tant que bronziràn cabretas, caramèls,
A nòstres tradicions demorarem fidèls.

Òida ! Per continuar aquela mantenguda
Un còp de mai vos dise, Amics, la planvenguda !

-:-:-:-:-:-:-:-:-:-:-

S'ont vòl esclopejar borrèias o pòlcas
Cal plan « cabretejar » per dançar d'un bon pas ;
Es per aquò que cal de mèstres cabretaires
E n'aurem dels melhors amb nòstres societaires.

Ardit ! E fai bronzir lo caramèl cèltic,
Cabretaire, frairet del trobador antic.
E viva los garçons e las galhardas filhas
Per nos manténer ostals, tradicions e familhas !

E que per far fumar lo fornèl pairugal
Çai demoran al país a l'entorn del fogal !
E que parlan totjorn la lenga de lor maire,
Coma vautres jogatz los vièlhs èrts del terraire.

Ara, a vòstra santat, auçarai mon gobèl :
Trinquem e buguem lo bon jus de gabèl
E per plan frairejar, dins un aüc que peta,
Totes cridem plus fòrt l'amor de la Cabreta !

Joseph VAYLET